

07 FEB 1998

DR MAHATHIR TEMUI GOH

SINGAPURA, 7 Feb (Bernama) -- Perdana Menteri Datuk Seri Dr Mahathir Mohamad mengadakan pertemuan "empat mata" dengan rakan sejawatannya dari Singapura Goh Chok Tong di sini hari ini.

Pertemuan itu, yang diadakan di Kelab Golf Sentosa di Pulau Sentosa.

Kementerian Luar Singapura berkata kedua-dua pemimpin itu bertemu untuk menyambung perbincangan mereka mengenai krisis mata wang dan isu dua hala.

Sebelum ini kedua-dua Perdana Menteri itu bertemu pada 20 Jan di Johor.

Dr Mahathir, yang diiringi isterinya Datuk Seri Dr Siti Hasmah Mohamed Ali, tiba di Singapura pada pukul 12 tengah hari dan menghadiri jamuan tengah hari yang dihoskan oleh Goh dan isterinya.

Ketika kedua-dua Perdana Menteri itu mengadakan perbincangan mereka, isteri mereka bersiar-siar di sekitar Pulau Sentosa. -- BERNAMA

THG MZ AKD